

مدیرلر مدرسه‌لرده جماعت نمازینا مخصوص دگت یئتیرسینلر

شرقی آذربایجاندا ولی فقیه نماینده‌سی و تبریز امام جمعه‌سی دئدی: مدیرلر مدرسه‌لرده نماز جماعته مخصوص دگت یئتیرسینلر.

آیت الله محسن مجتهد شبستری یکشنبہ گونو قرآن حافظی اولان محصل‌لرین تجلیل مراسمینده دئدی: مدیرلر مدرسه‌لرده جماعت نمازینی اؤز اولوئت‌لرینده یئر وئرمه‌لیدیلر و بو مسأله‌یه لاقید قالمامالیدیلار.

او ادامه وئردی: بیر مدرسه‌نین نمازخاناسی کیچیک و یا نامناسب اولسا مدیرلر یاخینداکی مسجدین هیأت امناسی اینن هماهنگ اولوب جماعت نمازینی اوردا قیلا بیلرلر.

ولی فقیهین شرقی آذربایجانداکی نماینده‌سی محصل‌لره خطاب دئدی: قرآنین تلاوتی و حفظی تکلیفدا کفایت ائله‌مز بلکه بونلار قرآن مفهوملارینا عمل ائله‌ماغا مقدمه ساییلیر و مخصوصاً سیز محصل‌لر ائله بو نوجوانلیق یاشلاریندان قرآن مفهوملارینا عمل ائله‌مه‌لیسیر.